



Llaboral Ciudá de la Cultura

PROYECTOS ESCOYÍOS
MUESTRA LLABOR



Principáu
d'Asturies

ASTURIES



CULTURA EN REDE



AKIN & THE AFROBEAT BROTHERS



Sestetu que transita per estilos variaos talos como'l funk, afro-jazz y, por supuestu, l'afrobeat, enllaciando dellos elementos siempre vinculaos a la música de baile.

Les actuaciones del combo xiren alredu de los cantares y composiciones orixinales de Samuel Akinola, músicu nixerianu afincáu n'Asturies desde va más de venti años, que son arreglaes, orquestaes y interpretaes pol restu de la banda.

Too xira alredu del corazón del ritmu, creando bases y entornos sonoros dende'l raigañu d'África y conectando con pasión les cultures de la danza y del trance.

Tipoloxía: gran formatu

Xéneru: funk, afrobeat, jazz

Llingua: otra

 nomadasenaccion@telefonica.net

 [@akintheafrobeatbrothers2862](https://www.youtube.com/@akintheafrobeatbrothers2862)



ALIENDA



Alienda ye un grupu de folk asturianu formáu nel 2013. El so estilu llamóse "power folk" y mez música y instrumentos tradicionales asturianos con elementos d'otros estilos. Nel 2014 publicó'l so primer trabayu d'estudiu, l'EP *Alendando* con cuatro temas representativos del grupu. Alienda lleva dando munchos conciertos dende los sos comienzos tanto n'Asturies, como nel restu d'España y países como Francia, onde participaron nel Festival Interceltique de Lorient. Nel 2015 ganaron el premiu AMAS a la "Mejor canción folk" pola so pieza *Rucaúres*.

Tipoloxía: gran formatu

Xéneru: folk

Llingua: asturiana



info@playlegalzone.com



Alienda

BLUES&DECKER



Blues&Decker presenta anguaño'l so trabayu discográficu nuevu, *Decker*, dividíu en dos publicaciones estremaes. La primera van ser 5 cantares en formatu EP disponible en streaming tanto en plataformes dixitales como na so web y que se va estrenar n'abril del 2025. Temes que demuestren la parte más agresiva y rockera del grupu y qu' al mesmu tiempu va ser la cara B del LP que va ver la lluz en formatu vinilu a últimos d'añu. La presentación d'esti trabayu nuevu ye'l puntu de partida pal espectáculu nuevu que va presentar la banda nunos pocos conciertos que van dar en sales y festivales de la península ibérica.

Tipoloxía: gran formatu

Xéneru: rock, blues

Llingua: otra

 bluesdecker@gmail.com

 Blues&Decker

 @BluesDecker



DE FEM



De Fem ye una banda asturiana formada nel 2020 por Celia Posada, Antonio Tamargo y Miguel Ruiz. Nel 2024 deciden volver col proyectu amestando a Álvaro Lacalle como baxista. Anguaño tán en procesu de grabación de lo que va ser el so primer trabayu.

Ente les sos influencies atópense artistes como Feist, Sharon Van Etten, PJ Harvey, Sen Senra, y bandes como Widowspeak, Skinshape, Kruanghbin, The Breeders y Daughter.

El mes de payares pasáu resulten ganadores *d'Interludio*, el concursu impulsáu pol productor Brian Hunt y respaldáu pola Fundación Santander Creativa. Frutu d'esi concursu foi'l so primer single, *El Encantador*, grabáu baxo la dirección del propiu Brian Hunt y que cunta cola collaboración de Club del Río.

Tipoloxía: formato medianu

Xéneru: rock, psicodelia, dream pop

Lengua: castellana



info@somoslacre.com



De Fem



HERBAMORA



Nel 2007, el mundu de la pandereta asturiana vivió una revolución auténtica col discu *¡Sali, L.luna!* d'Herbamora. Foron pioneres en llevar esti instrumentu a sonoridaes nunca esploraes enantes, fusionando la música tradicional con electrónica, jazz o rock.

Pasó munchu tiempu dende entós, y nesti periodu producióse una explosión auténtica dientro del mundu de la pandereta y el baile tradicional: cada vez hai más intérpretes en toa Asturias, calteniendo viva la tradición y al mesmu tiempu innovando. Nesti procesu, hai muncho qu'agradecer a estes cinco muyeres, que vuelven a l'actividá discográfica cola publicación del so tercer trabayu: *286 Llunes*.

Tipoloxía: gran formatu

Xéneru: folk, música tradicional

Llingua: asturiana




guillermoperez@telecable.es



Herbamora



LLEVÓLU'L SUMICIU



El dúu asturianu Llevólu'l Sumiciu, compuesto polos hermanos Pablo y David Alonso, vuelve con fuercia pa presentar'l so trabayu nuevu, *La Llobera*.

Dende'l 2020, el proyectu conquistó escenarios y corazones cola so fusión atrevida d'electrónica contemporánea y tradición musical asturiana, acompañada d'un espectáculo audiovisual hipnotizante. Ganadores del Premiu AMAS 2023 al meyor grupu d'electrónica n'Asturies, Llevólu'l Sumiciu afianzó'l so sitiu na vanguardia musical. Llevaron la so propuesta dende un festival tan prestixosu como l'Intercélticu de Lorient hasta escenarios como'l del Prestoso Fest o'l ciclu Bizi ala Iraun. Con *La Llobera*, el dúu da un pasu más na so exploración sonora. Esti trabayu conecta los cordales asturianos con ritmos tan vibrantes como los del *dembowafrollatín* o'l *jersey club*, creando una esperiencia qu'evoca un rituu urbanu al estilu de Baiuca o Bronquio, pero con un sellu únicu.

Tipoloxía: formatu pequeñu

Xéneru: folk electrónica world music

Llingua: asturiana



info@somoslacre.com



Llevólu'l Sumiciu



@llevolulsumiciu



MAIMUNY



Maimuny ye una propuesta de música pop qu'empieza l'andadura cola violista Sara Muñiz nel añu 2002, y qu'anguaño cuenta con 4 discos d'estudiu editaos y ún en directo. La finalidá del proyectu focalízase en mostrar un repertoriu propiu, ellaboráu y con canciones d'autor a base de pianu, violonchelos o instrumentos de vientu.

Tipoloxía: formatu medianu

Xéneru: pop

Llingua: castellana



maimuny@gmail.com



Maimuny



@MaimunySuco

MARCO MARTÍNEZ TRÍO



NO ye la segunda grabación al mio nome y surde al escribir la música de “Todo está allí”, obra de Teatro del Cuervo. Siéntome arguyosu d’ esta música y de vivir esta esperiencia, tan intensa como arriquecedora, na que Sergio Gayol, director de la obra, llanzóme’l retu de componer música dende les emociones y momentos orixinaos. Cautiváu pol procesu creativu de la composición ilusionéme cola posibilidá de llevar esta música al directo, pero nun quedé ehí, seguí suañando y escribiendo hasta pensar na opción de grabar y publicar esti CD. Sí, con pandemia ente medies. La música ye un actu de llocura.

Tipoloxía: formatu medianu

Xéneru: jazz

Llingua: otra

 kairosonce@gmail.com

 Marco Martínez



MARÍA DAZ



Nos últimos años, la medría de les redes sociales influyó en que la industria del entretenimientu s'enfoque en llegar al mayor número de persones nel menor tiempu posible, sacrificando la conexón personal ente artistes y audiencia. Énte esta desconexón, el proyectu de María Daz quier recuperar esa conexón emocional fonda, con una propuesta basada na autenticidá ensin arrenunciar al usu de les ferramientes y plataformes nueves, aunque faciéndolo de manera estratéxica. María rueue con estes normes nueves ufiertando una esperiencia cercana y auténtica. La so propuesta busca xenerar una conexón doble: una rellación humana como artista y persona, y una conexón emocional al traviés de la so música. Con una puesta n'escena cenciella -namás la so voz y el so pianu-, María devuelve'l pesu del espectáculu a los cantares y la interpretación, en contraste coles tendencias maximalistes actuales de la industria del entretenimientu.

Tipoloxía: formatu pequeñu

Xéneru: pop acústicu

Llingua: otra



mariadazmusic@gmail.com



María Daz



@mariadazmusic

THE SOULERS



The Soulers ye una banda asturiana nueva formada por seis músicos con una trayectoria musical amplia. El so soníu ye'l principiu d'un viaxe con paraes múltiples per delles dómines y estilos de la música popular norteamericana, con destín final na actualidá.

Nun falten chisgos al jazz, swing y rock and roll de los años 50 (con ciertu toque doowop nos coros) y afóndase en R&B, Soul y Funk de los años 60 y 70 (Aretha Franklin, Etta James, Tina Turner...) con una tendencia a les clares a renovar estos xéneros na onda d'artistes como Amy Winehouse o Imelda May.

Tipoloxía: gran formatu

Xéneru: soul, funk

Llingua: otra

 thesoulersband@gmail.com

 The Soulers

 @thesoulersband



VERO RUBIO



Cantautora, multiinstrumentista, compositora, lletrista y fotógrafa. Gallardonada col Premiu Camaretá al Meyor Cantar nel añu 2023, premiu que concede la Conseyería de Cultura, Política Llingüística y Deporte al meyor cantar en llingua asturiana. Nominada a los premios AMAS 2025 na categoría "Otros instrumentos" como trompetista. Con formación y esperiencia en música clásica, amplió los sos conocimientos tocando con dellos grupos asturianos d'estilos variaos y sobre manera, afondando nes harmoníes del sieglu XX al traviés del jazz. Toa esa inquietú y esi camín vense reflexaos na so música. *Vou* ye un proyectu multidisciplinar onde confluyen palabra, soníu y imaxe. Caúna de les pieces, cantaes o instrumentales, son de composición orixinal y vienen con un videu, tamién orixinal, que les acompaña y amplifica'l so significáu. El discu y el llibru qu'axunten esti trabayu van salir a la lluz ente marzu y abril del 2025.

Tipoloxía: pequeño formato

Xéneru: tradicional, indie-folk

Llingua: asturiana



verorrubio.vou@gmail.com



Vero Rubio



@verorrubio



VÉRSICA



Vérsica ye un viaxe poéticu y musical, dende la sensibilidá al reflundiu. *Vérsica* ye una obra multidisciplinar qu'axunta lliteratura, música y diseñu artísticu. Empieza na base d'un cuentu escritu por Gonzalo Pumares y producíu por Marcos Álvarez. Un cuentu que trescorre al traviés de 10 cortes musicales y nel que caún d'esos 10 cortes musicales ye un poema que, de dalguna manera, esplica una parte de la historia del protagonista del cuentu: un vieyu que yera mozu.

Tipoloxía: gran formato

Xéneru: folk, pop, poesía

Llingua: asturiana



versicamusic@gmail.com



Vérsica



@Versicamusic



MÚSICA EN REDE

ALCUENTRU PROFESIONAL



Principáu
d'Asturies

ASTURIES



CULTURA EN REDE